


ԱՌԱՋԻՆ ՏԱՐԻ
№ 23
Տ Ա Ր Ե Կ Ա Ն
Բ Ա ժ Ա Ն Ո Ր Դ Ի Ա Գ Ի Ն Ն Է
Թաւրիզում 14 դրան
Գաւառներում 20 դրան
Ա Ր Տ Ա Ս Ա Ն Մ Ա Ն
Ռուսաստան 4 ռբ. 50 կ.
Թուրքիա 50 դրուշ
Եւրոպա 12 ֆրանկ
Ամերիկա 2 տոլար 5 ս.
Յայտարարութիւնների վճարը
Առաջին երեսում տողատեղը 10 շահի
Զորքերը 5 »
ԱՌԱՋԻՆ ՀԱՄԱՐԸ 6 շահի
Խմբագրութեան հասցէն՝ Թաւրիզ
ՄԻՏՔ-ի խմբագրութիւն կամ Tauris (Perse)
Rédaction du journal «MITK»



ՀԱՐԱԹԱԹԵՐԹ

ԱԶԳԱՅԻՆ—ՀԱՍԱՐԱԿԱԿԱՆ ԳՐԱԿԱՆ ՔԱՂԱՔԱԿԱՆ

ԽՄԲԱԳՐԱԿԱՆ ԿԱՆՈՆՆԵՐ
1. Մեզ գործնական խնդրումէ դրեն պարզ, մաքուր
և անպայման քրքի առաջին երեսի վրայ:
2. խմբագրութիւնս իրեն է վերապահում իրաւունք՝
ստացուած յօդուածները փոփոխութեամբ և կրճա-
տումներով հրատարակելու:
3. Մենք մերժում ենք յաւելի և յվելի ուղղագրական
հերձուածք և մեզ ենք վերապահում իրաւունք՝ ստա-
ցուած նիւթերը տպել մեր ընդունած ուղղագրութե-
ամբ —ուսով:
4. Չստացուած կարճ յօդուածները չեն վերադարձնուած:
Ուղարկուած և չստացուած երկար նիւթերը յետ ստա-
նալու համար պէտք է ուղարկել պատի ծախսով:
5. Չի տպուի ոչ մի յօդուած եթէ դա կեղծ անուան
հետ միաժամանակ չի կրի յօդուածագրի անուն աղ-
ջանունը:
6. Բաժանորդները թերթ չստանալու դէպքում շու-
տով տեղեկացնելու են մեզ՝ հակառակ դէպքում խմբ-
ագրութիւնս իրեն զերծ է համարում պատասխանա-
տութիւնից:
7. Չստացուած յօդուածների համար խմբագրութիւնս
բացատրութիւններ չի տալիս:
8. Հասցէները փոխելու համար պէտք է մեզ ուղարկել
2 դրան 10 շահի:

Ծ Ա Ր Ո Ւ Տ Ո Ւ Ն

Ծախուում է հանգուցեալ Նիկողայոս Մելիք Բաբաջանեանի տունը, որ
գտնուում է Դալի Բազան թաղում: Տունն ունի փողոցի կողմում երկու
սենեակներ, երկուական ընդարձակ սանդուխտաններով իրենց յետևում:
Այդ սենեակների հանդէպ՝ բակի միւս կողմում կայ մի ընդարձակ հիւ-
րանենակ մի փոքր նախասենեակով: Յետևում կայ նաև մի փոքրիկ բակ
խոհանոցով և թոնրատնով: Զերգամիները ըստ ամենայնի յարմարաւոր են:
Գնել կամեցողները թող բարեհաճեն դիմել Արամեան դպրոցի հոգա-
բարձուներին պ. Ա. Բարսեղարեանին և կամ պ. Գր. Մելիք-Աղաբեանին
5—3

ԱՆՏԵՐՈՒԹԵԱՆ ԵՐԵՍԻՑ

Վաղուց է, որ մենք «Միտ-
քում» ձայն ենք բարձրացնում
մեր կորչող և յափշտակութան
ենթակայ ազգային—եկեղեցական
կալուածների համար:
Վաղուց է, որ մենք ալարմ
ենք հնչեցնում գաւառի մեր ան-
պաշտպան և յար կեղեքուող
ժողովրդի աշխատանքներին ըն-
դունելու շուրջը:
Սակայն մեզ լսող չեղաւ ու
չկայ: Կայ մեր դէմ միայն... կր-
ճուոց, սպառնալիք և...
Ընդունենք որ մեր վերաբեր-
մամբ այդ բոլորն էլ կատարուե-
ցին: Ընդունենք, որ անգամ Թաւ-
րիզից կարող ենք հեռացած լի-
նել:
Արդե՞ք մեր հեռանալով, ար-
դե՞ք մեզ սպառնալով մեր ժողո-
վուրդը կորչելուց և մեր սեպհա-
կանութիւնները կապուտ կողոպ-
տի ենթակայ լինելուց կապահո-
վուեն, կազատուեն:
— Բնաւ երբէք:
Ով Մամուլի ձայնն արհամար-
հում է, նա աքացում է խթանին:
Իսկ յայտնի է, թէ ով կլնասուտի
գորանից:
Ներկայ դէպքում, երանք, վը-
նասուողը միայն մի անհատ լինէր:
Տարաբաղաբար այստեղ անհատի
հարց չկայ: Խնդրի առար-
կան ի սփիւռս Ատրպատականի
ցրուած մեր հողերն ու ժողովուրդն
են, որ կորչում, անյայտանում,
օտարանում և յափշտակուում են:
Կեղեքումներին վախճան չը-
նելով և մշտական դիմումներին
ի պատասխան առաջնորդարանից էլ
օգնութիւն չտեսնելով՝ Ուրմիոյ

շրջանի անօգնական ժողովրդից
սկսել են 30 և աւելի տնով աշխ-
դաւան լինել:
Նման երկիւղ երկար ամիսնե-
րից ի վեր լսուում է խոյից և այլ
տեղերից: Ի՞նչ են անում առաջ-
նորդը և առաջնորդարանը, որ շատ
վաղուց գիտեն ու լսել են այդ
ամենը:
Ձեզ դէտ են կացուցել ժողո-
վրդի վրայ... և կայ ապագայի
պատասխանատուութիւն:
Ս. Թաղէի վանքի հողերն են
խլուել ու խլուում: Դուխարդանի
3 խալվար հանգստարանը գրաւո-
ւած է թուրքերից և բոստան դար-
ձրուած: Մեր աչքի առաջ, Թաւ-
րիզում հանգստարանի հող է գրա-
ւուււ:
Նախավկայի հողերը, լսում
ենք, Նախիջևանի հոգ. կառավա-
րութիւնը աճուրդի է դրել 800
րուբլով: Արդե՞ք մի հարցնող կայ
ինչու և ի՞նչ իրաւունքով: Ո՞ր
են գնում այդ փողերը, մինչ դեռ
այստեղ քանդոււմ է մեր աւերակ
առաջնորդարանը:
Դարազաղի ազգապատկան
գիւղերից հողեր յափշտակող խա-
ները շղթայուած Թաւրիզ են բե-
րուել: Բերդթաղի հոգաբարձա-
կան ընտրական Ս ընդհ. ժողո-
վում որոշուեց, որ առաջնորդա-
րանը դատ վարէ դորանց դէմ,
որքան մենք գիտենք, այդ առթիւ
էլ ոչինչ ձեռնարկուած ու կատա-
րուած չէ: Գործեր, կիսատ թողած
անվերջ գործեր... Մամեղովի
ձեռքով 50 հազար րուբլուց աւե-
լի արժողութեամբ Նախավկայի
գրաւուած հողերի դառն ի՞նչ
եղաւ: Մի դատ՝ որ այնքան նպաս-
տաւոր ընթացք է ընդունել հիւ-

պատասարանում բարեացակամ
կոնսուլ Միլլերի դատավարութե-
ամբ: Հարցնում ենք ինչու քնեց,
ինչու կիսատ մնաց այդ խոշոր
գործը:
Իրազեկները մեզ հաղորդում
են Ատրպատականում ցրուած մեր
մեծասահման կալուածների ար-
ժէքը 1/2 միլիոնից անցնում է,
մինչ դեռ հողերը իշխանութիւնը
չգիտէ շատ տեղեր ի՞նչ ունի, իսկ
շատ տեղերում էլ օրինականաց-
նում է յափշտակութիւնները իր
լուծութեամբ: Ի՞նչքան բացեր և
կարիքներ չէին լրացուի այդ ան-
տէր և բաղդին թողնուած հողերի
մշակմամբ և յետո խելով:
Երկար կարելի էր այսպէս
շարունակել ցոյց տալու մեր թե-
մի աւերածութիւնը: Սակայն
մենք այսքանն էլ բաւ ենք համա-
րում: Սրանով մենք հրաւիրում
ենք օրուայ իշխանաւորների, պա-
տասխանատուների, ժողովրդի
և էջմիածնի ուղարկութիւնը մի
գարման տանելու մեր գաւառի
ժողովրդի կորստեան, հողերի գը-
րաւման և առհասարակ Ատրպա-
տականի թեմի աւերածութեանց
վրայ, որ առաջացել են այս ժո-
ղովրդական ներկայացուցչութե-
ան «Երջանիկ» օրերում Անէտա-
թեան երեսից:

ԻՆՉ Է ՅՈՒՆԵԼԱՆԸ

— Յորեկան կամ յորեկանական
տարին չէից մէջ մի կարեւոր ժամա-
նակաշրջան էր, որ կրկնուում պատահում
էր իւրաքանչիւր 7 տարին կամ մեծ
մասամբ՝ իւրաքանչիւր 50-րդ տարին,
երբ իւրաքանչիւր ստրուկ ազատ էր
արձակուում: Նորանք, որոնք գրաւէին
գրել իրենց կալուածները յետ էին
ստանում կամ վերստին սեպհականա-
տէրեր գտնում և տեղի էին ունե-
նում ընդհանուր համաժողովրդական
ուրախութիւններ—տոնախմբութիւններ:
1300 թուին Բոնիֆացիոս Պապը սահ-
մանեց՝ մի տեսակ յոբելեան հռո-
մէական Կաթոլիկ եկեղեցոյ համար,
որ պէտք է պահուէր ու կատարուէր
իւրաքանչիւր 100 տարին մի անգամ
և միաժամանակ նա (պապը) շնորհեց
մի լիակատար ներում և թողութիւն
մեղաց՝ բոլոր նորանց, ովքեր այցե-

լում էին Սրբոցն Պօղոսի և Պետրոսի
եկեղեցին հռոմում և մնում էին այն-
տեղ 15 օր: Յորեկանական տարին
այնուհետեւ ձեւափոխուեցաւ Կղեմէս
2-րդ Պապի ձեռքով և վերածուեցաւ 50
տարինների, Ուրբան 2-ի ձեռքով՝
1839-ին՝ 33 տարինների, իսկ Սիքս-
տուս Դ-ի օրով՝ 25 տարինների¹⁾
Այսպէս ուրմն յորեկանը մի
հադիսակատարութիւն է իւրաքանչիւր
մի²⁾ 25, 50 կամ 100 ամեակի՝ որ և
է դէպքի կամ որ և է անձի գործու-
նէութեան:

ՄԱՆՆԱՐԵԱՆԻ ՄՕՏ

VII ¹⁾

Սպանդարեանի սենեակի դռները
բաց էին. երբ ծառան մեզ առաջնոր-
դում էր, նա շրջում էր սենեակում
յետ ու առաջ:
Սովորական խօսքերից սկսելով
հարցրի, ինչպէս է, սպասելով գուցէ
ինքը խօսի:
— Տեսնում էք՝ կամ, դեռ ապ-
րում եմ, ասաց Սպանդարեանը. Հայ-
ոց աշխարհից կտրուած եմ, չգիտեմ
նւմ են ընտրում կաթոլիկոս. քանի
մարդիկ մեռան. կաթոլիկոսի մահը
իմացայ «Köln Zeit» թերթից և շատ
ցաւեցի. ինչո՞ք Պետրոս, նա մեռաւ,
էհ, կտրուած եմ ամենքից և ոչինչ
չգիտեմ: Ինձ զբաղեցնողը այժմ Մա-
րոկկոն է, շատ և շատ հետաքրքրուած
եմ այդ խնդրով:
— Մարոկկոն հարցրի ես զարմա-
ցած:
— Այո, Մարոկկոյի խնդրով եմ
զբաղուած. ինչու էք զարմանում, ա-
սաց Սպանդարեանը. կու՞ր գնացող
ազգի գաւակ եմ, այրուող սիրտս դը-
ժոխային քաղցրութիւն է գգում, երբ
տեսնում է, որ գորեղին աւելի գորե-
ղն է ուզում կլանել...
Ներկայ քաղաքական հարցերի մա-
սին բաւականին խօսեց Սպանդարեա-
նը:
Պօքի ընդհատումից օգտուելով
ասացիքստում են, որ Ձեր գատը դեռ
չէ վերջացել, երկարում է...
¹⁾ Տես «The National Encyclo-
paedia».
²⁾ Մեզանում ընդհանրապէս 10, 25, 30
35 և 40-ամեակներն էլ են տօնում:
¹⁾ Տես «Միտք» № 21

—Հա, կէս նեղացած ու դժկամակութեամբ ասաց պ. Սպանդարեանը, ինչ որ իմացել էք սխալ չէ. էն քաղաքում են: Ինչ ազնիւ դարձնելու փորձը չյաջողուեց, այժմ էլ փորձում են աւելի միջնացնել գործը: Գործը երկարեց Պոլսի մօրուքի պէս:

—Իսկ զիտէք Պոլսի մօրուքի պէս: Իսկ զիտէք Պոլսի մօրուքի պէս:

—Իսկ զիտէք Պոլսի մօրուքի պէս: Իսկ զիտէք Պոլսի մօրուքի պէս:

Վերջաբան

Ով որ Սպանդարեանին մի կամ երկու տարի չի տեսել, հազիւ թէ նրան ճանաչի, այնքան մաշուած է ու բարակած: Նրա գէմբի վրայ դրոշմուած է տանջուած հոգին. միայն աչքերն են յիշեցնում ամենքին յայտնի գէմբը: Անտարակոյս նա կարօտ է հանգստութեան և խնամքի:

Այն ամենը, ինչ որ զաշնակցական շրջաններում խօսում էին, իբր թէ նա հազարներ է ստացել և ստանում իր կուսակիցներից և համակրողներից, բոլորն էլ երևակայութեան և ենթադրութիւնների արդիւնք են: Այդ մասին արած հարցմունքին՝ ըմպանդարեանի մի ժպիտն արդէն պարզ էր ամենքիս համար ցաւալի իրողութիւնը: Ոչ բարոյական և ոչ էլ նիւթական որևէ աշակցութիւն նա չէ ստացել Կովկասից այս մօտ ինն ամիս ժամանակամիջոցում:

Մինչդեռ յայտնի ամբաստանութիւնը «Իրօշակում» յայտարարուելուց յետոյ՝ ամենքն էլ, թէ մասուրի միջոցով և թէ բանաւոր ցանկանում, պահանջում էին, որ նա գնայ զընկերներին մերկացնէ, դատարանով պատժել տայ... նիւթականի առաջ թող կանգ չառնի, իրանք ամեն բան կանեն, ասում էին նրանք:

Բայց... բայց ճիշտն է հայոց ինքնաճանաչութիւնը, ճիշտն է ազգային արժանապատւութեան զգացումը և վերջապէս ճիշտն է նրանք որոնք տաննակ տարիներ շարունակ ոգևորուել են նրա քարոզած գաղափարներով:

Նիւթական օժանդակութիւնը թող մի կողմը մնայ, գոնէ պարտաւոր էին բարոյական աշակցութիւն ցոյց տալ:

Բայց երբ է հայը դէպի իր գործիչները իր պարտքը կատարել նրանց կենդանութեան ժամանակ:

Պ. Թ. Յուլիսի 2, 1911. Փարիզ: «Հովիտ» (Վերջ) 2)

ՄԱՍՈՒԼ

I.

Հազիւ թէ երկու կարծիք լինի այն մասին, որ Օսմանեան կայսրութեան մէջ ամենից հալածուածը, տուժողը և իրաւազրկուած հայերն են, այն ևս սահմանադրութեան օրերում և հակառակ հայոց խիստ օրինապահութեան:

2) Սրա շարունակութիւնը լինելու է Արևել. Բերդի թուղթից:

եան և հաւատարիմ քաղաքացիութեան: Հողերի գրաւում, շարժեր, արտադրութիւն, ըստ առաջնայն, շարունակում են ամենայն անդամազերծութեամբ: Այս բոլոր գույունների դէմ ինչ է կատարում Տաճկաստանում:

—Անվերջ քաղաքներ կամ բողոքա-յիշատակազեր, որ շարունակ տեղում են պատրիարքարանից և միշտ պատասխան ստանում անկասարելի գեղեցիկ խոստովանելով:

Գ. Պոլսում խմբագրուող «Կոնակ» պատկերազարդ շաբաթաթերթը այդ իրողութիւնը քննութեան է առել թիւ 28-ի մի խմբագրականով, որի վերնագիրն է «ՅԱՐԳԱՆԻ ՆԵՐՇԵՆՔ»:

Առաջ ենք բերում այդ յօդուածից հետևեալը:

Ափսոս որ քաղաքը տարու կեսնքը դեռ խելքի չընկած մեր ժողովուրդը, որ վերջին վեցամիսին մէջ 37 անգամ աղերսող միջոցներով իր յօշոտուած դիակները, լլկուած կոյսերը, բլու-նաբարուած հարսերը, յափշտակուած կալուածները, բռնի կրօնափոխ եղողները, խոշտանգուածները և հազար ու մի տեսակ անիրաւութիւնները արդարութեան ատենանին ներկայացուց և սակայն անգամ մը միտքէն չանցուց իր միւս համաշխարհային նման ծառանալ 1) չարագործութեան դէմ:

Մանաւանդ հիմա, երբ բունութեան ու կեղծիքի խորհրդա-րանը լուծուելով, մեր կեսնքը նոր եռ ու գետի մը մէջ պիտի մտնէ, հիմա կ'ըսենք գոնէ գիտնա՞նք յարգանք ներշնչել մեր հայրենակիցներուն մեզի հանդէպ, գիտնա՞նք մեր սեփական շահերն ու իրաւունքները կորստի թափով հետապնդել, ի հարկին պատրաստ գտնուենք մեր քաղաքացիական շահաւուն պատկին իջեցնելու բոլոր անոնց, որոնք գիտեն իրենց կամքը պարտադրել մեզ և անգիտանալ մեր իրաւունքները...

Բոլոր վերածնունդ և ազատագրուող ժողովրդների դերը փոխանակ բողոքների, պիտի լինի պահապանի դերն ու դիրքը գրաւել: Հակառակ պարագային պիտի վճարել ուսուցիչ տուրքը և վկին նստած թողուլ բունաւորին:

Նշանաւոր քննադատ-գրականագետ Ա. Չօպանեանը իրեն յատուկ ճոխ ուղղութիւն լեզուով գեղեցիկիմաստ յօդուածներ է նուիրել մեր սիրելի բանաստեղծ Յովհ. Յովհաննիսեանին՝ «Յուսատու Չօպան Մը» վերնագրով:

«Չօպան արուեստագէտի», «գուտ բանաստեղծի» սահմանները տալուց և Ռուս. Գերման. Փրանս. բանաստեղծութիւններից էլ օրինակներ բերելուց յետոյ, անցնում է բնորոշելու Յովհաննիսեանին իբրև արուեստագէտի:

«Յովհաննիսեանի խառնուածքը Կենդանուր՝ ոչ գործութեամբ, այլ փափկութեամբ... Յովհաննիսեան ստացած է համալսարանական կրթութիւն... իր մէջ կայ նրբաճաշակ գրասովորութիւն: Հազիւ թէ նաև հայերէն, իր լեզուն, իր խոսքը ճշգրիտ և աւելի ճոխ իր նախնիներէն Շահազիզի կամ Նալբանդեանի լեզուն, Ռուսաստանից մէջ կարծես ինքն է որ առաջին կամ գէթ կատարելագոյն օրինակը տուած է ոտանաւոր աշխարհաբարի մը, ուր ժողովրդական և գասական տարրերը

այդքան ներդաշնակ չափով գուգորդուած ըլլան...»

«Յովհաննիսեանի տիրական յատկանիշը փափկութիւնն ըլլալով, իր մտածելու, զգալու արտայայտելու եղանակը սոցորդուած է՝ կրթի միջոց հանդարտ և քնքուշ շնորհով մը, քաղցր խաղաղ և ազնուական մեղամաղձութեամբ մը, խորհրդապահ վայելչութեամբ մը, որ թէ վշտի և թէ հրճուածի ամենախոր արտագեղմանց մէջ՝ կմայ անեղծ ու անայլայլ: Մենչա՞նք փրկարացաւ մոլորելի հեղեղ մը չէ այս բերթութիւնը, այլ վճիռ գետակ մը, որ ողորկ փայլուն մաքուր խիճերու վրայէն ազդել երկնագեղ օրորուն ծաղիկներու մէջէն կնոսի գլշինով մը. և նոյն խիճ երբ իր բերթէն ծոցին մէջ կցուցնէ արևամուտներու եղբայրան արիւնը կամ անցնող մարիկի մը հոսանքու աղջամուղջը, կպահէ իր ջուրին ակնակալ թափանցութիւնը, իր վազբին դաշն ու անդորր քնքութիւնը, իր ոստոստուն պայծառ ալեկներուն երգը գողտրիկ:»

«Բիւզ»-ից

Կոյր կրի անուղղայ երկրպագուներ. վարագոյրի ետեւ. «Նոր-Աբխազ»-ը եւ նրա մարգարէութիւնը կասարուած:

Սահմանադրական Թիւրքիոյ մայրաքաղաքում, ի շարս բազմաթիւ այլ թերթերի, հրատարակուած էր և «Նոր-Աշխարհ» անունով մի օրաթերթ:

Դա Սոցիալ-Դեմօկրատ Հնչ. կուսակցութեան օրդանն էր, որի առաջին համարը լոյս տեսաւ ներկայ թուի Մարտ 5/18-ին:

Այդ թերթը հենց 1 համարից բեւեռեց իւր վրայ ընթերցող դասի ուշադրութիւնը: Այլ կերպէլ անհնար էր: Որովհետեւ դա խմբագրուած էր գրչի տիտան, յայտնի ընկերաբան, պատմագէտ և հաղուսագրու հրապարակաբօս Ս. Սապան-Գիւլեանի ձեռամբ:

Նորա-«Նոր-Աշխարհ»-կեսնքը թէպէտ կարճատեւ, սակայն, չափազանց օգտակար եղաւ: Նա համակ նիւթ էր և ամբողջապէս պայլար:

Եւ նա կիսամանապահին, դաւի ու բռնութեան հետ խնդրով, բնկու հերոսի պատուաւոր մահով:

Յայտնի է ընթերցողներին, որ Օսմանեան վերջին պառլամենտական ընտրութիւններին յաղթանակը տանողը, և այն ամենայն ապօրինութեամբ, եղաւ «Իտտիհատը», որի հետ արագեղ համերաշխութիւն էր կնքել Հայ. Յ. Դաշնակցութիւնը:

«Նոր-Աշխարհ» շտա կծու և սուր պայքներ ուղղեց այդ incoherence-աբար գրկախառնութիւններին և փաստեց իր №-25-ից սկսեալ, որ նորա Օսմանեան կայսրութիւնը տանում են դէպի կործանում:

Բայց ով էր լսողը: Արդէն ամեն յաղթանակող, մանաւանդ բունաւոր՝ արքեպիսկոպոս է լինում միշտ իր կողմից ոյժով, ուստի և կոյր ու խուլ է ձեւանում նա շրջապատի քննադատութեանց առաջ:

Այդ եղաւ և դիրքը մեր «եղբայրացած» բոլորիստների, որոնք միշտ ատամ էին կրճտեցնում «Նոր-Աշխարհ» դէմ:

«Նոր-Աշխարհ» «Հալածանքի եղբայրութիւնը» №-29, «Մամուլի Ազատութիւնը» №-39 և 40 և «Պատրի-

արքի փէշերի տակ» հօր, ցնցող և կարկամեցնող խմբագրականներ փախցրին քունը Խաթիհատ-Դաշնակցական «Սրբազան Դաշնակցութեան»: Եւ ասան մտածուեց, վարագոյրի ետեւ, կարճել միակ օպպօզիցիօն և յանդուգն օրդանի կեսնքը:

Ու երբ գումարուեց բռնութիւններով, կեղծիքով և ոստիկանութեամբ գլուխ հանուած պառլամենտը՝ «Նոր-Աշխարհ» սուեց իր հուշակաւոր խմբագրականը՝ «Իտտիհատը» մեղադրեալի աթոռի վրայ վրայ» վերնագրով: Իբրութեան տէրերը՝ Իտտիհատականները անմիջապէս զինուորական դատարանի վճռով փակել տուին թերթը, արտօնաւորեցին մասնեցիկ զինուորական դատարանի և 500 ոսկի էլ տուգանք զրին թերթի վրայ:

Այն կազմակերպութիւնը, որ քունած թէ արթուն միշտ իր շուրջը «մասնութիւններ» է տեսնում, տեսաւ և իմացաւ, թէ ոնց և «Բնչու համար» դադարացուեց «Նոր-Աշխարհ»: Անգամ Կովկասեան թերթերը հրատարակեցին, որ «Նոր-Աշխարհ» փակուած է զինուորական դատարանի վճռով և 500 օսմանեան ոսկի տուգանքի դատապարտութեամբ:

Նորա, որոնք շատ լաւ իրագեկ էին այս գործից, ինչպէս և մասնակիցներ, առանց կարմրելու, «Նոր-Աշխարհ» փակումից 6 օր յետոյ, մի լուր են հասցնում Բօստօնի յայտնի կամ գեղին մամուլ «Հայրենիքին» թէ՛

Ս. Դեմ. Հնչակեաններու «Նոր-Աշխարհ» նիւթական պատճառով դադարած է: (!!!?)

Նախ, որ 5-6 օրից Պոլսից Ամերկա նամակ չի հասնի, ուրեմն մնում է ենթադրել, որ «փրկիչներն» այդ «յոյժ ուրախալի» լուրը և մեծ «աւեսիսը» փրկաբօս «Հայրենիքին» հասցրել են հեռագրով:

Ինչու, ինչ միտք: Նախ, որ փողի չզոյութեան պատճառով որևէ թերթի դադարելը ամօթ չէ և տասնեակ հայ թերթեր են այդպէս դադարել, բացի նոցանից, որոնց «ապահովութեան» 100000-աւոր գումարները «ազգասիրաբար» կորզուել են «կեսնքը կամ քսակը» լօգուելով:

Ինչ արդարացում այդ ստու-թիւնը հեռագրելով, երբ անգամ «Ազատամարտը» Պոլսում հրատարակել էր «Նոր-Աշխարհ» զինուորական ատենանի որոշմամբ դադարելը:

Ուրիշ բացատրութիւն չունի այս հարցը բան այն, որ որոշ կուրսի մարդոց և խմբակցութեան թարախակաւած սրտերում փոխանակ ազնուութեան եռում ու պղպձում է միայն կոյր կիթի, որին և երկրպագու են մնացել մեր թշուառ կեսնքի արթուն պահապաններ(???)

Այժմ տեսնենք ինչ ասաց, «Նոր-Աշխարհ» և ինչ իրականացաւ այնուհետև:

«Նոր-Աշխարհ» №-36-ի խմբագրականն է «Իրքիլաճ վէ Հիւրիք կուսակցութեան գերը», գրուած Ապրիլ 17/30-ին:

Նախ թէ ինչ ենք կարդում այդ խմբագրականում:

«Իտտիհատ վէ թերագրը» կուսակցութիւնն է այսօր կացութեան տէրը՝ բացարձակ հրամայական, ամեն բան ուղղող և ցանկացածին պէս տնօրինողը,

„Բաղկացուցիչ ազգերը նրա դէմ են, ¹⁾ ոչ թէ նրա համար, որ նա թուրք կուսակցութիւն է, երբեք, այլ նրա համար, որ նա իր գաղափարաբանութեամբ դալիս է այս երկրի մէջ եղող Ազգերի ապագան փշրելու և ամեն ինչ թրջական, բացառապէս թրջական անելու. (և մեր „միակ պաշտպան“ Դաշնակցութիւնը shake hand է անում նորան և ամենայն դիւրութեամբ ստեղծում նորա հայա-կործան քաղաքականութեան յաջողու-թեան համար ծ. „Միտք“-ի ձգ-տում, որ պատմութիւնը դատապար-տել, մի գաղափար որ ոչ միայն ա-մու է, այլ և ծայրայեղորէն վստա-գաւոր՝ այս երկրի մնացած բաների տեսակէտով“

„Վերջին ընտրութիւնների մէջ „Իտտիհատը“ բացառապէս և միայն թուրք տարրերի շահերից առաջնոր-դուց. նրա ձգտումն էր, որ թրքու-թիւնը շախմատի մեծամասնութիւն կազմի. այդ պէս էլ արաւ, բայց ար-ուեստական կերպով: Եթէ կառավա-րական ոյժը իր յետեւ չունենար՝ „Իտտիհատ“, ի անկումն անխուսա-փելի էր,:

„Դարձեալ անխուսափելի է, որ ընտրութեան ազգայնական հոգը, որի վը-րայ կեցած նա իր քաղաքականութիւն է յառաջ բերում՝ ամեն ինչ փշրել փորձելով, այս երկրի համար էն վը-տանգաւորն է. նրա վրայ ոչ մի ժա-մանակ տեսական և գիմացկուն տուն կարելի չէ շինել“:

Եւ, իրօք, օսմանեան երկրի այս վերջին օրերի կրիպիսը, պառլամենտի փակումը, երէկ յաղթող և այսօրուայ փախստական Իտտիհատականների սըր տաղող դրութիւնը... ցոյց տուին, թէ որքան ճիշտ կանխագուշակութիւններ էր արել „Նոր Աշխարհը“:

Բայց մենք շարունակենք լսել նրան . . . „Որպէս Ս. Դեմ. մենք պիտի կուռենք ազգայնականութեան դէմ, որ կողմից էլ որ գալու լինի. մենք ազգայնական „Իտտիհատի“ դէմ պայքար ունինք, օրինական հո-ղի վրայ կեցած“:

„Թուրք էն լաւ, անկեղծ, զարգա-ցած ու հեռատես մտաւորականները „Իտտիհատի“ դէմ են, որովհետեւ նա „ազգայնական“ է, ուրիշ և ոչ մի պատճառ կայ: Նրանք շատ լաւ համոզուած են, որ „Իտտիհատի“, „Ազգայնական“ մտքերը այս երկրի համար շինարար ոչինչ չունեն, բացի անդամամեղի վնասից ³⁾“:

Մէհմետ Եւթէթի տապալումն ու փախուստը, Սայիդ փաշայի և իր կարիքների տապալումը, Իտտիհատա-կանների Սալօնիկում շունչ առնելը, պառլամենտի փակումը, Չերքոզորիայի հողազրաւումը և այլն ապացոյց են այդ մարգարէութեանց և „անդար-մանելի փաների“: Վայ „Իտտիհատի“ կրիստին:

Չմեղադրեմք ուրիշներին, երբ մենք ենք մեղաւոր եւ մենք ենք ծնում Յուդաներ

Հայոց պատրիարքը Բ. դրանը ներկայացրել է մի յայտագիր, Անա-

տօլիում տեղի ունեցող հայկական անվերջ ջարդերի և քիւրդերի յար-ձակումների մասին:

«Հորիզոն» № 163, I էջ սխալ 6, Յուլիս 29.

Մեզ հայերիս կոտորում էին Հա-միդի օրով՝ նախքան սահմանադրու-թիւնը: Եւ այդ մասամբ գոնէ բացա-րւում էր: Ասում և հաշուում էինք՝ թէ իշխում է արեւնաւորու կամ կար-միր Համիդը:

Իսկ հիմա... Հիմա, երբ սահմանադ-րական երկիր է Օսմանեան կայսրու-թիւնը: Այժմ ինչպէս բացատրել:

2⁵ որ այժմ, կամ գոնէ մինչև մի քանի օր առաջ՝ երկրի ղեկավա-րութիւնը գտնուում էր Իտտիհատի ձեռքում: Իսկ նոյն Իտտիհատը Հա-միդի օրով Եւրոպա ապաստանած և նրա երեսից փաստական թիւրք յե-ղափոխականների մի խմբակցութիւն էր: Ուրեմն ինչ... Ընդունել որ երէ-կուայ յեղափոխականները ջարդարար-ներ են կամ ջարդերը սրբագործող և զրանց մատի արանքով նայողներ:

Իժուար է բացատրել: Առաւել զփուլար այն պատճառով, որ Իտտի-հատի հետ համագործակից, համախոհ ու համերաշխ է Հայ Յ. Դաշնակցու-թիւնը: Նա, որ հայ ազգի կամ ներկայ օրերի տերմինօրգիւյում հայ աշխա-տաւորութեան «միակ պաշտպանն» է:

2⁶ որ սա պիտի կարենցէր այդ ջարդերից՝ Իտտիհատեան կառավա-րութիւնը: 2⁷ որ նա Իտտիհատի ա-կանջն ի վեր պիտի բռնար՝ գոնէ... ի սէր մեր «եղբայրութեան»... վերջա-պէս հերիք ջարդէք հայերին...

Սակայն մենք ոչինչ այդպիսի հակընդդիմութիւն չտեսնք: Տեսնք ու զգացնք դատապարտելի համախոհու-թիւն և յանդիմանելի լուծութիւն հան-դէպ Իտտիհատի հայակործան քաղա-քականութեան՝ մեր «փրկիչների» կողմից:

Ուժեղի համակերպութեան դէմ երէկ միլիոններ ծախսող և հայ կրտ-րիճներ արձանացնող կուսակցութիւնը այժմ գտնուում է իր երբեմնի վատա-բանած խիստ դատապարտելի դերում.. Որպիսի անկում:

Յուդան կաշառուեց 30 ոսկով և ծախեց-խաչեց անմահութիւնը:

Մեզանում, երէկուայ փրփրերախ և անսանձելի յեղափոխականները փոք-րացան մինչև իսպառ՝ և մեկուսութե-ան ¹⁾ 11 աթոռի համար ծախեցին ազգ, պատրիարք ու պատրիարքարան և հողային հարցը ու ամեն անկապ-տելի սրբութիւն:

Երբ թագաւորում էր յաւիտենական անարգանքի բաժին Համիդն իր եա-թաղանով, մենք՝ ի դէմս մեր լաւա-գոյն բանաստեղծների, պատրիարք-ների և կաթողիկոսների՝ դիմում էինք Եւրոպային և բողոքներ բարձ-րացնում: Երբ մեզ չէին լսում՝ ծաղ-րում էինք ասելով.

— Արդե՞ք Եւրոպ. յուզեցան քո արեան պապը:

Չբաւականացած այդքանով, մենք Եւրոպայի միջամտութիւնն էինք պահ-անջում յանուն Բեռլինի դաշնագրի 61-րդ յօդուածի:

Անցաւ վերջապէս... դիպօտորդմը և, ով հրաշք, ջարդուող հայերից մէ-

կուններ բարձրացան ազգի պատգա-մաւորական ժողովարարը:

Ամենքս հրճուած էինք... Մեր դատն արդէն պաշտպանուած է: Տաճ-կաց... ռայսասագում բազմած՝ հայ «հետադուրներ» ունինք:

Սակայն յուսախաբութիւն: Մեր «հետադուրները» այնտեղ փառաւոր մու-սիաների դեր են կատարում և դորա համար ամիսը 50 Օսմ. ոսկի ռոնիկ ստանում:

Հայաստանում թագաւորող ջար-դերին վերջ ու վախճան դնել ձգտող-ները և երէկ լաւէյ վազողները այսօր ինկարկալից «սուրբ սուրբ» են երգում յանցապարտ Իտտիհատին ի հաճոյս, մինչդեռ անդին՝ միայն չորս Մահմե-դական Ալլահն պաշտամաւորներ են բողոքում հայերի ջարդի և Հայաստա-նում հոսող արեան դէմ:

Այս բողոքից յետոյ մենք երես ունինք մեղադրելու Եւրոպային և ինչպէս մեղադրենք, երբ վատթար Յուդաներն են մեր պատուի ու կե-անքի պահապանները Տաճկաստանի պատգամաւորաց պալատում:

Դեռ աւելին կայ: Ամբողջ երկի-րը Իտտիհատի դէմ է: Ազատական և ազնիւ Օսմանցիները և բոլոր բաղկա-ցուցիչ տարրերը տապալել են ուղում Իտտիհատեան լուծը և տապալեցին, փակելով սակ կեղծիքի պառլամենտը:

Իտտիհատի քաղաքական ազդե-ցութեան մահն ազդարարող համօս-մանեան այս պատմական յաղթանա-կից տրամաթիւծ և ծուփք ի ճա-կատ, թուցս մի քանի օր առաջ, երկու շէֆ Դաշնակցականներ ներկայ-անում են Պոլսոյ Գերմանական դես-պանին և ինդրում աշակցութիւն՝ Իտտիհատին: Մինչդեռ երէկ էր, որ Չաւարեանը գուժկան էր հանդիսա-նում «Ազատամարտում» Իտտիհատի խոստումնադրութեանց դէմ: Իտտի-հատի օրով էր որ սրածուեցան Կիլիկոյ 20,000 հայերը: Իտտիհատի օրով է, որ Չարսանձակի հողերը խուեցան և կառուցուած եկեղեցիի քանդման հրաման տրուեց: Իտտիհատի կամայ-ականութիւնն է, որ հայ և օտար պա-տրիարքարան. դարաւոր արտօնութիւն-ներին ձեռնամերձ է ուղում լինել: Վերջապէս Իտտիհատեան կառավարու-թեան ժամանակ է հայոց պատրի-արք յիշխալ բողոքը անվերջ ջարդերի դէմ:

Եւ անհայ պիտի «անարատ» ու „հայասէր“ դաշնակցի համար մեր Դաշնակցականները Գերմանական դես-պանի աշակցութիւնն են հայցում: Երեւի դեռ բաւականաչափ չեն ջար-դուել հայերը, կամ դեռ ևս էլի մէ-կուսական նոր աթոռներ են խոստաց-ուած ի գին արեան ջարդուող հայոց:

Եւ Այսպիսի տղամաթաւամարդոց կենդանի... Ք-երն ու չքոտի Շիրազցիները մեր փէշերն են քաշում, մեզ մեղա-տրում „մասնութեան“ կաշառման և աշահամբուրութեան մէջ: Ծախն դրուած չէ առժուի թոխք և ոչ էլ թիւրքիչները հայոյելով ու սնա-պարծութեամբ Աթիլլաներ կլինին:

Դառն է մեր ժամանակը... սրբա-պիղծների և անզգամների թագաւո-րութեան շրջան և այստեղ է որ մե-ծագոյն բանաստեղծն ասել է.

For who would bear the whips and scorns of time

The insolence of office

That patient merit of the unworthy takes...²⁾ Hamlet (Act III.)

Ա. Տ. Վ.

Լ Ո Ւ Ր Ե Ր

ԹԱԻՐԻՉ

Վեհափառ Կաթողիկոսից կոնգակ է ստացուել յանուն թե-միս սրբազան առաջնորդ Կարա-պետ եպս-ի՝ հրահանգելու հոգա-բարձութեանց՝ Սուրբ Թարգման-չաց տօնին հանդիսով տօնելու հայոց տառերի գիւտի 1500-ամեայ և հայ տպագրութեան 400 ամեայ յորելեանը:

Մեզ հաղորդում են, որ թեմիս առաջնորդը վեհի թոյլտ-ւութեամբ անցնելու է Բագու թեմիս դպրոցների և առաջնորդա-րանի համար հանգանակութեան ձեռնարկելու:

Հայկի հոգաբարձութիւնը ի դէմս հոգ. անդամ և երեցփոխ պ. Ա. Բարխուդարեանի յայտնում է, որ Ս. Ածամի ալլում այլոց խափա արգելում է մոմ ծախել: Ծախու մոմերը կգրաւուեն: Հո-գաբարձութիւնը պատիւ ունի ինդրելու յարգոյ հասարակութե-ան, որ կամ ինքը ինքնաբերաբար սկսի մի հանգանակութիւն և կամ օժանդակի հոգաբարձութեան սկսելիք հանգանակութեան, Ս. Ածամի շէնքերի նորոգութեան և մի քանի նոր ու անյետաձգելի ծածկոցների շինութեան համար:

Առաջնորդական փոխանորդ Տ. Կարապետ քնն. ամսոյս 8-ին հաստատել է Լիւաւի վերջին ան-գամ ընտրուած հոգաբարձական կազմը:

Հայկի հոգաբարձութիւնը Արամեան դպրոցում սկսել է հիմ-նական նորոգութիւններ:

Մեզ հաղորդում են որ ար-դէն Սըփահտար Ազամը ժամանել է Նէմաթ-Արադ, ուսաց գենե-րալի հիւպատոսարանի ամառա-նոց գիւղը, այնտեղ է գնացել և հաճի Ծօշա-էդ-Դոկլէն:

Կենտրոնական տեսուչ պ. Յոնան Դաւթեանի վերադարձն իր պաշտօնին մի անակնկալ է ե-ղել հասարակութեան գիտակ և ի-րազեկ շրջաններին: Լսում ենք կենտ-ի աշակերտներից բողոք են ներկայացրել հոգ-թեան պ. Դաւ-թեանի տեսչական պաշտօնին վե-րակոչուելուն դէմ: Տեսչի առող-ջական թոյլ վիճակի համար նման պաշտօնավարութիւն խիստ ծանր է և այդ բանն ամիսներ առաջ պարզուել է կենտ-ի հոգ-թեան համար, ուստի հասկանալի է հա-սարակութեան զարմացքը այդ առթիւ:

Ռուսական զօրամասի արշաւանքը խիստ նեղն է դրել Շահսովանե-րին, այրուել ու քանդուել են ա-

²⁾ . . . Ով արդեօք կուզէր հանդուրժել ժամանակի ծաղրին և մտրակներին

Պաշտօնեաների անզգամութեան

Բոլոր թուր ու մուրին, որ անարժանից կրում է համբերող արժանաւորը.

Շեխսպիր. Համլետ. III արտ.

«Լինե՞լիք չլինե՞լ»-ից

Թարգ. Յովն. Խան Մասեհեանի

պատմաբանների շատ գիւղեր:

Սարաղում 2 շաբաթից ի վեր անյայտացել են 2 ուսուցիչներ:

Սմառյա 7 և 8-ին անտանելի շոգերը դադարեցին, եկաւ անձրև և եղան վերջ աշնանային ցուրտ օրեր:

Ասրայասական

Ուրմիոյ գաւառի Կեարդարազ գիւղը, (117 տուն զուտ հայ բնակիչ) Ուրմիոյ շրջանում առաջին հայաբնակ գիւղն է համարուում: Վերջերս Խալուս գիւղից Գաղթած Տէր Պօղոսը երկպառակութիւն սերմանելով գիւղում, օտարադաւանութիւն է ընդունել և ունի 30 տուն հետևող: Միւս գիւղացիները բողոքում են առաջնորդարանին, որովհետև կրօնափոխ եղածները գիւղական զանազան խնդիրներում զօռում են իրենց եղբայրներին: Առաջնորդարանի և Ս. Էջմիածնի ուշադրութիւնն ենք հրաւիրում:

Սէյրավար, Շորաւ և Ուրմիոյ շրջան ձեռքից գնացին:

ՊԱՐՍԻԱՍԿԱՆ

Լոնդոն. 27 Յուլիս. Ռէյտերի գործակալութեան հաղորդում են, որ Բրիտանական կառավարութիւնը համաձայնութիւն է յայտնել տալու Պարսկաստանին հեռաւոր աւանս, նպատակ ունենալով աշակցութիւն ցոյց տալու պարսից կառավարութեան՝ ձեռք առնելու առաւել գործնական միջոցներ կուտելու այն գրութեան դէմ, որ ստեղծուել է հարաւում:

ԱՐՏԱՔԻՆ

Քրանսիական հանապետութեան մի-նիստ նախագահ պ. Պուանկարիէն Պետերբուրգում:

Յուլիս 28. Պուանկարիէն ժամանեց Պետերբուրգ՝ Նիկոլայեւեան կամուրջը, առ. ժամը 10-ին ծովային միւստորութեան «Նեւա» յաճանաւի վրայ:

Պրիմիերին ողջունելու եկել էին՝ Վ. Ն. Կոկովցեւ, Ս. Գ. Սազոնով, ծովային միւստորութեան օգնական Մ. Բ. Բուբնով, ծովային գեներալ շտաբի կառավարիչ կնեզ Ս. Ա. Լիվին, Պետերբուրգի ֆրանսական դեսպան Ժորժ Լուին, ֆրանսական դեսպանատան պաշտօնեայք, արտաքին գործոց միւստորութեան պաշտօնեայք:

Մամուլի կարծիք

Պարիզ

Ֆրանսական մամուլը չափազանց գոհ է Ռուսաստանի՝ Պուանկարիէն ցոյց տուած սրտազին ընդունելութիւնից, որ շատ աւելի է՝ քան ցարդ ցոյց է տրուել մի միւստորի:

Վիեննա

Վիեննայի մամուլը շարունակում է եռանդուն կեպով զբաղուել Պուանկարիէի Ռուսաստան գնալով, բայց աւելի հանգիստ տոնով՝ քան առաջ:

Իսպական մամուլի զայուածութիւնը ՀՌՈՎՍ:

Իտալական մամուլն ընդհանրապէս իրեն զսպում է պահում կօմենտարիաներից Պուանկարիէի Ռուսաստան արած այցելութեան առիթով:

Միայն Միլանի ազդեցիկ «Corriere della Sera»-ն նկատելով այն ֆակտը, որ Ռուսիան պատերազմի

վերջանալու հարցը դրել է իւր դիպլոմատիական բանակցութեանց ծրագրի մէջ, արտայայտում է նեղուցների բացման անհրաժեշտութեան համար ռուսական զինուորական նաւատորմի առաջ:

ՄԵՐՉԱՌՈՐ ԱՐԵՒԵԼՔՈՒՄ

Ապստամբութիւն Ալբանիայում ՏէՌՕՐ ՄԻՏՐՕՎԻՑՈՒՄ:

Բէլգրադից Յուլիս 28 թուով հեռագրում են. Զաֆէր-Բէյը, Միտրօվիցի զօրքերի վրայ նոր նշանակուած հրամանատարը, Բալէկից եկաւ Միտրօվից, ուղեկցութեամբ 5 հետևակ զորքերի և մի քանի բատարէաների:

Նորա մարտահրաւէր ընթացքը տուալին օրերից այնպէս զրգուեց այրաններին, որ նորա համար կայացրին լճիւ, որի համար և նորան հաւեցին: Զաֆէր-Բէյը այնքան սաստիկ վախեցել է, որ անմիջապէս մեկնել է Նովի-Բազար:

Բանակցութիւններ Կոմեսիայի հետ.

Քրերի գրութիւնը Կոստովուում ըստ առաջնոյն մնում է լարուած և սպառնալից:

Ֆերիզովիչում ալբան պարագլուխները կրկին խորհրդակցութիւն են ունեցել և մշակել 18 կէտերից բաղկացած դժուար ընդունելի առաջարկներ, որոնք յանձնուել են Կոստովարական կօմիսիային Պրիշտինում:

Կոմիսիայի 2-րդ փաւայի հետ

Հատ լուրերի: Ալբանական զօրքերի ընդհ. հրամանատար Զէքի փաշայի և կառավ. կօմիսիայի միջև Պրիշտինում ծագել են տարաձայնութիւններ:

Զէքի փաշան հրաժարուում է կատարել կօմիսիայի կարգադրութիւնները և սպառնում է հրաժարական տալ:

Բօլգարիա

Ինքզինքնօրէն փիննա այցելած և վերջերս իւր իւր Վենգրիական կառավարութեան եղող (մինչև աշուն) Ֆերիզիանդը յանկարծ եկաւ Սօֆիա: Զանապարհին նա մի օրուայ ընթացքում մի քանի անգամ ստացաւ ընդարձակ հեռագիրներ:

Կաշանիկում սպանուել են շատ Բօլգարներ: Դա խիստ յուզել է Բօլգարական հասարական կարծիքը: 30,000 անոց մի բաղմութիւն ցոյց սարքելով կոչ է անում արշաւել դէպի Ալբանիապօլիս՝ թուրքերի դէմ:

Պօլսի Բօլգարական դեսպան Սարաֆովը Տաճկաց արտաքին գործոց միւստար Նորատունկեանին իր կառավարութեան կողմից եռանդուն առաջարկութիւններ է արել: Կառավարութիւնը խոստացել է լիակատար բաւարարում:

Թիւրքիան ծանր մտահոգութեան մէջ է և Չերնօգորիայի կողմից: Ցեղախնի Տաճկաց դեսպանը իր լիազօրութիւնից դուրս 24 ժամուայ ուղտիմատում տուած լինելով Չերնօգորիային՝ առաջացրել է մեծ բարդութիւն՝ ուստի և յետ է կանչում: Դեսպանը Յուլիս 26-ին թողել է Չերնօգորիան:

Յուլիս 28 Յուլիս-ից. տեղական մամուլը հաւատարմում է որ Յիւրիսում վերակառել են հաշտութեան բանակցութիւններ իտալական և տաճկական պատուիրակների միջև, ընդ նախագահութեամբ իտալական թաշաւորի հօրեղբոր-Գենուէզեան հերցօգի:

Խմբագիր-հրատարակիչ՝

Ա. Տ. Վարդանեան

ՅԱՅՏԱՐԱՐՈՒԹԻՒՆՆԵՐ

ՓԵՐԻՉ ՄԵԿԱԶԻՆ

Կանացի հրաշալի բլուզներ, Եգիպտական էշարփներ և վզկապներ, կանացի քաթանէ կաթիլներ, Բաթիսթ գոյնզգոյն կտորներ, փէշեր և եռականներ, Զանապան արժէքի լիբիկներ:

Թարմ շվէյցարական շոկօլադ և բօմբօն:

ԲԱՅՈՒԵԼ Ե ԲԱՆԱԲԱՅԻՆ ՀԻՒՄՆՈՅՈՒՄ ԱՍԱՄՆԱԲՈՒԺԱԿԱՆ

բուժարան (լէշէնիցա)

Արժէքները չափազանց մատչելի են: Աղքատները բշտկուում են բոլորովին ձրի: Հիւանդներ ընդունուում են առաւօտեան ժամը 8—1, երեկոյեան ժամը 3—6

ՀԻՄՆԱԴԻՐ ԱՍԱՄՆԱԲՈՅԺ՝ ՄԱՏԻՆԵԱՆ

ՊԱՏԱՆԻ

Դրական, Գեղարուեստական, քննադատական արմանախ. բաժնեգին է Թիֆլիզում 1ր. դուրսը 1,25 արտասահման 5 ֆր. Թիւրքիա 20 դր. հասցէ Tiflis Surp-Minassky, № 26 Missak Eprikiantz

ԲԱԶՄԱՎԷՊ

Ազգային-բանասիրական-գրական-գիտական ամսաթերթ 70-րդ տարի, բաժնեգին է ֆր. 10, ըբ. 4, դոլ 2, դր. 50 հասցէ՝ Rédaction de la Revue «Bazmavep» St. Lazare Venise (Italie)

ԿԱՅՆ


Օրգան Սօց-Դեմ. Հնչ. Կուս. Պօլսոյ Ուս. միութեան. Հասարակական գիտական, ԴՐԱԿԱՆ ԱՄՍԱԲՈՒՆԵՐԺ 2-ԴԻ ՏԱՐԻ
Բաժնեգին է { Թիւրքիա 12 դրուշ,
Ամերիկա 1 դոլ.
արտասահման 4 ֆր.
հասցէ Rédaction «KAIDZ» poste Centrale 97. Constantinople (Turquie)

ԿՈՀԱԿ


Պատկերազարդ թերթ, գրական, քաղաքական, տնտեսական և ընկերային. Տէր և տնօրէն Հմ. Արամեան
Բաժնեգին է { Պօլսի և գաւառները 15 դրուշ
Ամերիկա . . . 1 դոլ
Արտասահման . . . 5 ֆր.
Ռուսիա և Պարսկ. 2 ըբլ.
հասցէ Rédaction «GOHAG» B. P. Centrale, 125 Constantinople

ԴՕՔՏՕՐ ՄԱՐԳԻՍԵ

Ամեն ուրբաթ օրերը ժամը 2-ից, կէսօրից յետոյ, ձրի խփում է աղքատների և չքաւորների երեխաների ծաղիկները:



«ՁԻՆԳԵՐ» ԸՆԿԵՐՈՒԹԵԱՆ Թաւրիզի բաժանմունքը նկատի ունենալով, որ պատահում են դէպքեր, երբ յաճախորդները վերցրած մեքենաների արժէքը լրիւ չվճարած ծախում կամ գրաւ են դնում, ուստի թիւրիմացութիւնների և դժգոհութիւնների տեղիք չտալու համար, յայտարարում է Թաւրիզի յարգելի հասարակութեան, որ



ընկերութիւնը որոշումներ կատարելով կզանի և դատարանի միջոցաւ կզանձի իւր պահանջի մնացորդը և պատասխանատուութեան կենթարկի թէ՛ ծախողին և թէ՛ գնողին, որպէս ուրիշի սեպհականութիւնը իւրացնողների: Համաձայն «ՁԻՆԳԵՐ» ընկերութեան մէջ տիրող կանոնների, իւրաքանչիւր գնող՝ մեքենայի արժէքը լրիւ վճարելուց յետոյ, ստանում է սպազրուած և կնքուած մի ղօգուձնդ, որի մէջ նշանակուած է լինում մեքենայի հօմերը և արժէքը, և այս դէպքում միայն—մեքենան դառնում է վերոյիշեալների մասնաւոր սեպհականութիւն և ընկերութեան կողմից զրուած այդ ղօգուձնդների հիման վերայ նորա իրաւունք ունին ծախել կամ գրաւ դնել ըստ իրենց ցանկութեան:

«ՁԻՆԳԵՐ» ընկեր. Ասրայաս.-ի ընդհ. ներկայացուցիչ ԱՐՄԵՆԱԿ Ս. ՄԻՖԱՅԷԼԵԱՆ